

Causa Galiza inicia denúncia pública da sua possível ilegalizaçom pola Audiência Nacional

CAUSA GALIZA :: 30/05/2020

Causa Galiza inicia denuncia pública de su posible ilegalización por la Audiencia Nacional española

O juízo a celebrar proximamente na *Audiencia Nacional* contra 12 independentistas, além de dilucidar a situaçom penal, laboral e civil das pessoas processadas, resolverá também sobre a **existência legal de Causa Galiza**. A *Audiencia Nacional* situa a Organizaçom junto a Ceivar como a "banda criminosa" (sic) em que se integrariam as encausadas e a sua condena implicaria automaticamente a disoluçom.

A gravidade do passo que o tribunal de exceçom pode estar a piques de executar nom afeta só à ilegalizaçom de facto: assentaria aliás um **precedente jurídico** —a laminaçom por via judicial dumha organizaçom independentista galega— que poderia ser de aplicabilidade para coletivos militantes que, no futuro, apostassem numha reorganizaçom do independentismo politicamente organizado.

Campanha política

O cenário apontado implica um importante **salto qualitativo na repressom**, ao por no ponto de mira a existência legal do independentismo organizado. Neste sentido, junto a outras iniciativas em curso, iniciamos nesta semana umha campanha de *sélfis* nas redes sociais para denunciar publicamente a eventualidade da ilegalizaçom e acumular forças por volta do processo político-judicial a celebrar.

O cartaz de denúncia da ilegalizaçom pode-se descarregar desde as ligaçons que anexamos ao pé desta informaçom. O método é do mais singelo: impressom, realizaçom da foto e envio através da nossa conta de Twitter (@causagaliza) ou correio nacional (info@causagaliza.org). Ficamos à espera das vossas contribuiçons e convidamos-vos a dar a máxima difusom a esta informaçom e convite.

https://galiza.lahaine.org/causa-galiza-inicia-denuncia-publica